

PLOANIES SAN MARTIN Y LUNGIARÜ

En dedemesaledema é le Papa Francësch gnü condüt tla clinica Gemelli cun na infeziun ales bronchies. Porchël inviëia le Vësko Ivo Muser, dantadöt en chisc dis, da perié por le Papa recordan sües parores: *"Prëibel, ne se desmentiede nia da perié por me."* Insciö orunse s'uní a d'ël tla oraziun: Le Signur, mort y ressorí, le benedësces, le renforzes y l'acompagnëies.

Sëra d'informaziun cun Markus Felderer, direttur dl ofize por la catechesa, sura **le tru de preparaziun ala Crejima**, che mët man en chësc altonn.

Jones y jogh che ará complí 16 agn cina al de dla confermaziun – preodü por Pasca de ma 2025 – é bel inviá cun geniturs, totes y toc y interessá da gní: ai **28 d'aurí dales 20.00 a Badia**, Ciasa Runcher, o ai **12 de ma dales 20.00, a Al Plan**, salf Raiffeisen.

Les Uniuns dles Ères da San Martin y Lungiarü vënn en Pasca do la Gran Mëssa rôses sot al tema **"na rôsa por la vita - daidé por daidé"** por l'assoziazium Südtiroler Krebshilfe. Bel dilan de osta spënorá.

En Lönesc de Pasca, ai 9 d'aurí, é düc inviá a San Martin, ala Gran Mëssa dales 9.30, cun **presentaziun dl liber "Cianties sacrales por cors"**.

Al ciantará i Cors de dlíja da La lla y da San Martin y le Cor Raiëta.

Dedô salüt ofizial tl salf dl Istitut Ladin y pice renfrësch.

Matinée culturala dales 11.30: Aurela cörta cun Laura Willeit & Hubert Dorigatti, Bufé de liagnes blanches, Cufada de üs, Marcé de libri.

LUNGIARÜ

La Uniun dles Ères inviëia da gní a fá deboriada **l'agnel da Pasca cun smalz**, en lönesc, ai 3 d'aurí, dales 16.00, tl salf dla colonia. Al é da se tó do 500 gram de smalz, n cortel spizé, n cu (Seicher), n pice tai y n bordun. Cost: spenöra de buna man. Dötes y düc chi che é interessá pó gní a tó pert.

Le KVV Lungiarü organisëia ai 18 d'aurí dales 19.30 tla ciasadafüch dla scora na **sëra cun Hermann Dapoz**, che mostra co ch'an pó arjigné ca n valgönes derzades scëmples da vigni de. Le curs é en chësc iade ma por ëi. Prenotaziuns y informaziuns pó gní fates cina ai 9 d'aurí diretamënter pro Hermann al numer: 3471293529.

La Biblioteca Sas dla Crusc inviëia mitans y mituns dla elementara en dedolö-nesc, ai 4 d'aurí, dales 15.00, tla **biblioteca a S. Martin** a pastelné por Pasca.

L'Uniun dl Sport San Martin mët a jì n **curs de Pilates** cun Carolin Faller vigni lönesc y jöbia, dales 20.00 ales 21.00, por 8 iadi. Scomenciamënt ai 13 d'aurí tla palestra da San Martin. Iscriziuns pro Jasmin 348 07 05 382.

L'Uniun dl Sport S. Martin mët a jì n **curs "Movimënt y creativité"** por mitans dla scora elementara cun Federica Gentilini vigni sabeda dales 11.00 ales 12.00 por 8 iadi. Scomenciamënt ai 15 d'aurí tla palestra da San Martin. Iscriziuns pro Marina 347 82 25 309.



unitepastorala.org

Plata dles Ploanies San Martin y Lungiarü



ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

02.04. - 09.04.23 n. 19

ultimo termo por comunicaziuns: jöbia, dales 20.00

DOMÈNIA DAL ORÍ/A - EDEMA SANTA

Vangele do Matí 21, 1-11

I discepui à condüt adalerch la müscia y le polorin,
à metü sü guané sön chisc y spo s'à Gejú senté lassura.

Tröpa jënt destenô sü guané ia por strada,
d'atri taiâ jö rames dai lëgns y les sternô ia por tru.

La jënt, che jô danfora y che ti gnô do, scraia:

Osanna al Fi de Davide!

Benedì sides ël, che vëgn tl inom dl Signur.

Osanna tl plü alt dl cil!

Canch'al ê jü ite te Ierusalem,

s'à döta la cité emozioné y an damanâ:

Chê é pa chësc? La jënt dijô:

Chësc é le profet, Gejú da Nàzaret tla Galilea.



*Chël ël, che vëgn da defora ite sön n müsc sciöche portadü de pesc,
nia cun forza y gloria, scassa sö Ierusalem.*

*I abitanc dla cité, döt spordüs, damana chi che vëgn cun Gejú da defora ite:
Chê é pa chël?*

Sce Gejú vëgn, ne pói nia sté senté sön mia poltrona.

*Canch'al vëgn me däl na scassada,
sciöch'i adori datrai na scassada da me descedé indortöra.*

Ciara ia y prô da conësce chë che chësc Gejú é!

*Láscete dí da chi che vëgn impara da defora
ci che te ne vëighes nia y te ne sas nia instës.*

*Láscele gni ite cun sües noeles y sües pretenjiuns che n'é gonot nia comotes.
Láscete armöie y vá impara por le tru lunch
fora por les scassades dl vëndres sanc y inant.*

Image

EDEMA SANTA	SAN MARTIN	LUNGIARÜ	
02.04.23 DOMËNIA DAL ORÍ - A	10.00 Benediscium dl orí - Ingres Pasciun do Matî y Eucaristia fam. Chizzali, dl Vêsko + siur Franz Sottara + + siur Angel Morlang y Ida Deiaco dl ann + Angelina Vanzi Baldissera + Pasquale Schuen - a d'intenziun	8.15 Benediscium dl orí ingres dala colonia demez Pasciun do Matî y Eucaristia	Pan partí tol la fan tl bojëgn Pan partí fej indô ch'an se vëgn Pan partí fej gní vëi so rëgn Pan partí desmëntia ia le tort Pan partí recorda súa mort Pan partí dá confort
03.04.23 <i>Richard, Elisabeta</i> lönesc dl'Edema Santa			
04.04.23 <i>Francësch y Iazinta</i> dedolönesc dl'Edema S.			
05.04.23 <i>Vinzenz Ferrer</i> Mercui dl'Edema Santa	18.00 Les Staziuns		
06.04.23 <i>Zelesin, Sist</i> JÖBIA SANTA EUCARISTIA	19.00 Mëssa in Coena Domini (siur Klaus) y lavanda di pîsc ai comunicanc + + Isidoro y Rita Verginer dl ann + Pire Ploner dedô Ora santa dl'Angonia dl Signur	20.30 Mëssa "in Coena Domini" y lavanda di pîsc ai comunicanc dl ann + Roslinda Deiaco dl ann + Sabina Deiaco + Rita Dapoz Mischi + + Ivo Sorà y Frida Dapoz + + Isidoro y Monica Mischi dedô Ora santa dl'Angonia dl Signur	 Gejù damanâ, cherdâ y scraiâ do Idî, mo te súa presënza ne dubitâl nia. Gejù â na gran tēma, forsc dër na grana, impó stôl injopé ite te súa fidënza te Dî. Tres parôl ch'al savess che Idî ê chiló. Ince Gejù ne capî nia Idî, mo al ne le loghenâ nia. Por Gejù ê Idî val' de sigù, ince sc'al ê sôla crusc dôt scür por ël.
07.04.23 <i>Jan Bat., Albert</i> VËNDRES SANC PASCUN Y MORT <i>jaiun y astinënza</i>	15.30 Pasciun y mort de nosc Signur Adoraziun dla Crusc (siur Tone Fiung) Supliches y comuniun Oferta Misereor	8.00 Ora d'adoraziun por düc 9.00-9.30 Ora d'adoraz. por i mituns 14.00 Pasciun y mort de nosc Signur Adoraziun dla Crusc Supliches y comuniun Oferta Misereor	La fossa n'é nia la fin. Le defunt vëgn sopolí. I sü resta indô tla plüra. Ai â ma podü ciaré pro y â messü soporté le spavënt. Ci che valô por la sopoltôra de Gejù vel miliuns de iadi sura dôt le monn, sce geniturs mëss lascé jí n môt, sce fis y omi toma te vera, ince sce la mort vëgn do na maratia lungia.
08.04.23 <i>Walter, Beata</i> SABEDA SANTA FESTA NÖT DE PASCA <i>Tolésse do na ciandëra; al n'é ince da ciafé te dlíjia</i>	8.00 Ora d'adoraziun por düc 9.00 Ora d'adoraziun por scholars/es 19.30 Festa dla Nöt de Pasca Liturgia dla löm, letôres, Gloria, Vangele, Impormetüdes dl Bato, Eucaristia (siur Tone Fiung)	8.00 Ora d'adoraziun por düc 9.00-9.30 Ora d'adoraz. por i mituns <i>A festejé la Nöt de Pasca é düc bel invia tla dlíjia da San Martin dales 19.30 !</i>	La fossa n'é nia la fin. Le mort ressorësc dala palsa y i sü n'é atira gnanca bugn da le capí, y spo é la ligrëza grana. Sce ci che vel por la fossa ôta de Gejù podess pö ince valëi miliuns de iadi sura dôt le monn. O sozedel bele chësc? I stentun madër ciamo da le capí. <i>image</i>
09.04.23 DOMËNIA DE PASCA	10.00 Mëssa solëna dla Comunité cun benediscium dl signé (siur Klaus Sottas) 18.00 Öspi da Pasca	8.15 Mëssa solëna de Pasca cun benediscium dl signé 14.00 Öspi da Pasca	